

第一百三十三冊

卷二百五十二

列女傳十四

新纂雲南通志

盧漢頤
纂



新纂雲南通志卷二百五十二

列女傳十四

普洱府

清

包景運妻趙氏寧洱人年二十夫卒守節四十八年康熙間歿乾隆

三年旌

道光志

陳萬言妻車氏 媳鄧氏他郎人雍正壬子保賊變萬言子璠被殺

車氏遂自縊鄧先縊其三歲女玉花亦隨姑縊死

他郎廳志

艾張顯妻楊氏

艾瓊珍妻艾氏

艾馨妻陶氏

孫女老妹俱他

郎人瓊珍張顯子馨張顯孫雍正十年同避保逆於甘棠箐楊氏聞

夫被害率家人回村與媳等同時縊死

參雍正志

艾承顯妻曾氏 艾瓊居妻朱氏他郎人雍正十年遭保變避於臘

冬村旁巖內賊勢漸逼姑媳同時自縊

雍正志

艾國用妻陶氏 艾國樑妻林氏他郎人雍正壬子避保賊於筭見

其夫被害二氏回村自縊死

雍正志

姚先春母何氏 妻艾氏他郎人雍正壬子年保變何氏見子被殺

自縊艾亦同殉節

雍正志

丁妹他郎人幼失父母育於從叔家年十六未字雍正壬子保變全家逃散女投崖死

雍正志

蔡某妻楊氏 李某妻楊氏他郎人姊妹也失其夫名雍正壬子保變同盡節於東山土地廟

艾瓊芝妻全氏他郎人雍正十年保叛恐被辱自縊死

全志仁妻艾氏他郎人倮叛恐見辱同女玉貞自縊死

車文妻艾氏他郎人倮叛同女玉鳳自縊死

艾奇名女月芝 四妹他郎人月芝年二十五四妹年十六遭雍正
倮賊之變恣被辱姊妹同時自縊

艾於君妻全氏他郎人倮賊叛爲賊所逼自縊死

以上他郎廳志

以上乾隆五年旌

刀輔國妻李氏夫六困土司雍正間夷匪滋事焚劫土司公廨氏親
率家丁格殺叛匪救護倉糧二千餘石後大兵進剿仍輸運以佐軍

食道光

馮星耀妻劉氏 馮有爲妻黃氏他郎人劉年二十八夫卒撫子有
爲成立娶黃氏有爲病篤黃割股以救及歿黃氏年十八生遺腹子

姑病復割股進之劉守節四十三年黃守節六十三年乾隆四十二
年旌

陳易妻徐氏威遠人年少夫卒矢志守節有族弟瑾誘至家酒後戲
言氏聞詈罵羞忿自縊乾隆五十二年旌

劉廷對繼妻彭氏寧洱人年二十四夫卒守節四十七年嘉慶八年
旌

以上道光志據案冊

李怡妻張氏寧洱人年二十六夫卒養姑撫子成名守節三十八年
陳永盛妻王氏寧洱人年二十九夫卒撫子成名其父母家零落孤
姪無依氏亦爲撫之守節四十三年

汪沛然妻葛氏寧洱人年二十九夫卒撫子成立守節四十六年

楊耀明妻周氏寧洱人年二十三夫卒無子苦節四十年

房得榮妻胡氏寧洱人年三十夫卒家貧傭工撫子守節三十六年

張桂妻梁氏寧洱人年二十九夫卒撫子成立守節四十年

葉煒妻董氏寧洱人年二十八夫卒事翁姑孝撫子守節三十餘年

王永齡妻鄒氏寧洱人年二十二夫卒事翁姑孝撫子守節三十餘

年

汪福妻劉氏寧洱人年二十夫卒子殤守節終身

張超羣妻宴氏寧洱人年二十九夫卒家貧操作撫子成立守節三

十餘年

戴天福妻武氏寧洱人年二十九夫出師威遠陣亡養姑孝撫子成

立襲世職守節二十六年

舒傑妻王氏寧洱人年二十七夫卒事翁姑孝撫子守節二十六年
孫昭文妻朱氏寧洱人年二十二夫卒孝事翁姑撫子成名子卒志
益堅苦節三十七年

李洲妻汪氏寧洱人年二十七夫卒紡績撫子守節四十六年

包玉琢妻吳氏寧洱人年二十九夫卒養翁姑孝撫子成立守節五
十六年

劉忠妻董氏寧洱人年二十八夫卒撫三子成立守節三十餘年

黃鉞妻熊氏寧洱人年二十五夫卒養翁姑孝撫子成名守節二十
七年

張淳妻唐氏寧洱人年三十夫卒撫子子亡又撫孫守節三十餘年
楊鳳一妻李氏寧洱人年二十四夫卒無子苦節四十七年

袁文輔妻周氏寧洱人年二十五夫卒撫遺腹子成立守節五十四

年

李有名妻張氏寧洱人年二十九夫卒撫子成立守節三十四年

李必忠妻郭氏寧洱人年二十五夫卒撫子成立守節三十四年

李淇妻席氏寧洱人年二十六夫疾革謂氏曰爾年幼家貧無子不必守氏泣曰家貧吾能紡績年幼吾有母可迎養作伴無子吾有女君無過慮也守節五十二年

馬榮妻馬氏寧洱人年二十四夫卒撫子成立守節五十二年

陳達妻沙氏寧洱人年二十四夫卒遺三女無子養祖姑及姑孝守節二十八年

王國鈞妻沈氏寧洱人年二十八夫卒撫子成立守節三十六年

戴明妻楊氏寧洱人年二十九夫卒撫子成立守節六十年

馬尙選妻錢氏寧洱人年二十九夫卒撫子女婚嫁捐錢百貫爲書院膏火縣令給額旌之

林鳳鳴妻張氏寧洱人年三十夫卒遺五子一女家貧嗷嗷待哺晝夜紡績撫諸子成名學使給額旌之

劉承裕妻陳氏 劉士龍妻黃氏寧洱人陳年二十七承裕歿守節

不嫁事翁姑以孝聞撫子士龍成立士龍旋亦夭妻黃年二十八守節如姑能得陳歡心陳年八十卒黃年六十八卒一門雙節鄉里賢之

陳氏女思茅人許字周祈年未于歸周出外卒於茶山女聞訃過門守節志欲歸夫骨以貧不遂居二載目不窺戶夫兄知其志篤以子

爲嗣氏喜嫂異而問之泣曰苟延歲月者以夫骨暴露於外未能同穴耳今有子得所託矣夜投繯死時年二十三

王一夔妻鄭氏思茅人年二十九夫卒撫子成立守節五十三年
高兆麟妻劉氏思茅人年二十七夫卒養姑教子孝慈並著守節三十餘年

李茂枝女威遠人許字葉正榮未干歸葉卒於外女誓志守貞卒年七十三

李茂時妻彭氏威遠人年二十夫卒撫二子成名守節六十三年
段芝鑌妻李氏威遠人年十九養姑撫子守節五十四年

李漸妻朱氏威遠人年二十九夫卒撫四子成名守節五十一年
段峻妻陸氏威遠人年二十六夫卒撫二子成名守節二十九年

徐志仁妻王氏威遠人年二十九夫卒撫子守節四十八年

郭完妻朱氏威遠人年二十九夫卒撫子守節四十五年

李翊唐妻楊氏威遠人年二十八夫卒事翁孝撫子成名守節四十七年

李世賢妻王氏威遠人年二十九夫卒事翁姑孝撫子成立守節四十三年

劉灝妻何氏威遠人年二十八夫卒撫子守節五十一年五世一堂云

張鳳儀妻樊氏威遠人年二十七夫卒撫子守節三十六年

謝世科妻段氏威遠人年二十八夫卒撫子守節三十七年

李映庚妻張氏威遠人年二十七夫卒撫四子成立守節五十四年

段文清妻周氏威遠人年二十九夫卒撫子成名守節二十六年

張鶴齡妻蔣氏威遠人年二十一夫卒養姑撫子守節終身

趙龐妻楊氏威遠人年二十七夫卒守節三十八年

陸廷璠妻張氏威遠人年二十六夫卒養姑孝守節四十八年

楊松林妻溫氏威遠人甫五歲許字松林繼因松林家貧寄食叔家母因改許倪姓氏聞哀泣不欲生親族因勸其母卻倪聘仍歸松林生四子長入庠

以下道光志據各屬採訪

黃思相妻李氏他郎人年二十五夫卒孝事翁姑撫遺腹子成名守節三十七年道光三年旌

江紋妻李氏 江國賢妻馬氏他郎人李年二十六夫卒於外率子

國賢扶櫬歸葬國賢歿馬撫遺腹子早亡以堂姪爲嗣勵志如姑極盡孝養人稱一門雙節道光五年旌

倪文彪妻張氏他郎人年二十三夫卒撫子五世一堂守節八十年壽百餘歲道光七年旌

以上道光志據案冊

段榮妻楊氏他郎人年二十六夫卒無子以田產送入興隆寺作香火氏遂長齋禮佛至七十四歲卒

金柄妻段氏他郎人柄諸生卒時氏年二十五善事孀姑撫孤成立守節五十二年

段明源妻刀氏他郎人年二十二夫卒無子誓不改適以從兄之子爲嗣守節終身

鄧大受妻胡氏他郎人大受諸生卒時氏年二十六無子以伯兄之
子爲嗣年七十餘孫大用妻李氏他郎人大用諸生卒時氏年二十五撫育幼子成立
年六十四卒

李萬春妻胡氏他郎人萬春武生卒時氏年二十六孝事翁姑誓不
再嫁守節至五十四歲卒

鄒曉妻高氏他郎人曉諸生卒時氏年二十七誓死靡他終身守節
道光二十年旌

丁文英妻李氏他郎人文英武生卒時氏年二十六矢志冰霜事親
訓子各盡其道守節四十餘年

彭坤妻朱氏他郎人年二十六夫卒事姑盡孝教子有方守節數十

年

李正玘妻張氏他郎人年二十三夫卒善事翁姑教子成立守節四十餘年

倪嶽妻王氏他郎人年二十二夫卒事翁姑孝撫遺腹子成立守節四十餘年

鄭琚妻張氏他郎人年二十五夫卒家貧子幼撫之成立孫人和掄元皆舉於鄉守節五十餘年

薛得珠妻鄭氏他郎人年二十三夫卒誓不改適撫子成立守節終身

馮君夢妻彭氏他郎人年二十九夫卒家貧紡織養姑撫子成人守節六十七歲而卒

馮娘妻張氏他郎人年二十三夫卒矢志守節撫子成立子歿復撫

孫卒年七十有四

張璜妻丁氏 張允恭妻王氏他郎人丁年二十六夫卒孝事翁姑撫孤允恭爲諸生允恭又亡妻王年甫二十一年事丁甚孝撫半歲孤子尤極艱辛丁年八十五歲卒王年七十五歲卒

李甫妻關氏 李霖妻楊氏 李士美妻王氏俱他郎人關年三甫卒楊年二十八霖卒二人妯娌也事姑孝苦志守節霖子士美亦早亡妻王年甫二十七勵志如姑教子汝翼成名一門貞節皆享壽七十餘而歿

劉紹祖妻李氏他郎人年二十二夫卒無子以姪爲嗣矢志守節事祖姑翁姑皆孝年六十餘

張天章妻溫氏他郎人年二十八夫卒孝事翁姑撫子文星成立文
星早亡復撫孫鳳書年八十一卒

劉雲妻潘氏他郎人年二十三夫卒事親盡孝教子成人誓不適人
守節四十餘年而終

黃秉三妻楊氏他郎人年二十七夫亡家貧事姑孝守節四十餘年
黃春壽妻呂氏他郎人年二十六夫卒孝事翁姑撫子成立年七十
餘而終

吳瀛妻鄭氏他郎人年二十三夫卒無子以姪爲嗣守節四十餘年
吳士熊妻金氏他郎人士熊諸生卒時氏年二十養親盡孝撫子成
立誓不再嫁守節四十餘年

馬璇妻黃氏他郎人年二十八夫卒事親盡孝撫子占元成名守節